

Nalunaarutit, Grønlandsk Lovsamling, seria A-p tapissai.

1953 aamma 1956.

Danmarkip naalagaaffiata inatsisai tunngaviusut 5. juni 1953-imeersut.

(Inatsit nr. 169)

Uagut Frederik qulaaluat Guutip saammaanneragut Danmarkip kunngia, venderit goterillu, hertugiuffigalugit Slesvig, Holsten, Stormarn, Ditmarsken, Lauenborg Oldenborgilu,

Nalunaarpugut: Danmarkip naalagaaffiata inatsisaani tunngaviusuni juunip 5-an 1915-imi atulersuni septembarip 10-an 1920-mi allanguuteqartuni § 94-imi aalajangikkat naapertorlugit inatsisartut marloriarlutik isumaqtigiiutigisaat inatsisartunillu qinersisussat maajip 28-an 1953-imi taasisinneqarneranni akuerineqartut maanna kunngisut akuersinitsigut atortussanngortippavut.

Danmarkip naalagaaffiata inatsisai tunngaviusut.

Kapitali 1.

§ 1. Inatsisit tunnagviusut makku Danmarkip naalagaaffianut atasuni tamani atortussaapput.

§ 2. Naalakkersuinerup ingerlanneqarnerani kunngi killilimmik aalajangiisussaatitaavoq. Kunngiussuseq kunngiusinnaassusaanik inatsisini martsip 27-an 1953-imi 1) najoqqutassat aalajangersagaasut naapertorlugit angutinut arnanullu kingornutitinneqartassaaq.

§ 3. Kunngi inatsisartullu suleqatigiillutik inatsisiliortartussaapput. Kunngi aalajangiisussani qullersaasussaassaaq. Eqqartuussisarneq eqqartuussissut qullersaaffigisassaraat.

§ 4. Ilagiit naaggaartut (Lutherikkut) danskini naalagaaffiup ilagiissortarai naalagaaffimmit tapersorsorneqartussaallutik.

Kapitali 2.

§ 5. Kunngi inatsisartunit akuerineqarani naalagaaffinni allani naalakkersuisuusinnaanngilaq.

§ 6. Kunngi ilagiinnut Luterikkunnut ilaasuussaaq.

§ 7. Kunngi 18-inik ukioqaleruni inersimasutut piginnaatitaalissaq. Kingoraartissaanuttaaq tamanna atorpoq.

§ 8. Kunngi naalakkersuinermi pisortanngortinnani ministerit kunngip siunnersuisoqataasa (statsrådip) ataatsimiinnerani allakkatigut ilumoorluinnartumik neriorsuissaaq inatsisit tunngaviusut unioqqutinngisaannarumallugit. Neriorsuina oqaasertai assigiissut marlunngorlugu allanneqassaaq aappaalu inatsisartunut tunniunneqassalluni allagaatini inatsisartut katersugaataani toqqorsimasassaaq, aappaalu allakanut naalagaaffiup katersugaataanut ilanngunneqassalluni. Kunngit nikinnerisa kinguninnguagut kunngip qimagussimanini allatulluunniit akornuteqarnini pissutigalugu neriorsuut tamanna nalunaarutigisinnaanngippagu neriorsuinissaa pitserlugu naalakkersuineq statsrådimit pisortaaffigineqassaaq

inatsisitigut allatut aalajangiineqanngippat. Kunngi kunngissaatilluni tamatuminnga neriorsueteqareersimaguni kunngit nikinneranni erniinnaq naalakkersuinermi pisortaalissaq.

§ 9. Kunngi inersimasutut piginnaatitaalersinnagu, napparsimatillugu qimagussimatilluguluunniit naalakkersuineq qanoq ingerlanneqassasoq inatsisitigut aalajangersarneqassaaq. Kunngeerunnerani kunnginngortussaqanngippat inatsisartut kunngissamik qinersissapput qanorlu kingoraarneqartarnissaa aalajangersarlugu.

§ 10. Naalagaaffiup kunngimut aningaasarsiaritassai kunngeerunnerani atasussatut inatsisitigut aalajangersarneqassapput. Ilanngulluguttaaq aalajangersarneqassapput illussaarsuit naalagaaffiullu pigisai allat suut kunngimut atugassaritinneqassanersut.

Stk. 2. Naalagaaffiup aningaasarsiarititai akiligassanut akiliutigitinniarneqartussaanngillat.

§ 11. Kunngip ilaqtai inatsisitigut aalajangersaanikkut ukiumut aningaasarsiaqartinneqarsinnaapput. Ukiumut aningaasarsiarititat Danmarki qimassimagaanni inatsisartut akuerseqqaarsimatinnagit pisassarineqarsinnaanngillat.

Kapitali 3.

§ 12. Inatsisini tunngaviusuni makkunani kunngip piginnaaneranik killiliissutaasut najoqqutaralugit kunngi naalagaaffimmut atasuni tamani qullersaasutut naalagaanersaavoq tamatuma ministerit sulisorissallugit.

§ 13. Kunngi akisussaatinniarneqarsinnaanngilaq; kunngi inuuvoq inniminarluiinnartussaasooq. Naalakkersuinerup ingerlanerani ministerit akisussaatitaassapput; akisussaassusiat erseqqissarneqarluni inatsisitigut aalajangersarneqassaaq.

§ 14. Statsministeri ministereqataalu kunngip ministerinngortillugillu soraarsissinnaavai. Qassiussanersut sunillu suliassinneqassanersut aalajangertassavaa. Inatsisinut naalakkersuinermullu tunngasut aalajangersarniakkut kunngip atsiorsimappagit ministerillu ilaata arlallilluunniit kunngi atsioqatigisimappassuk atortussangortinneqassapput. Ministerit arlaat kinaluunniit atsioqataasoq aalajangersakkamut akisussaassuseqartuuvoq.

§ 15. Inatsisartut tatiginani ilisimatippani ministeri kinaluunniit atorfimminiit tunuartariaqarpoq.

Stk. 2. Statsministeri inatsisartunit tatigineqarani oqaaseqarfingineqaruni ministereqatini peqatigalugit soraarniassaaq inatsisartunut ilaasussanik nutaamik qinersineqassanngippat. Ministerit tatigineqannginnerminnik oqaaseqarfingineqartut soraarniarlutilluunniit kissaateqareersimasut ministerit nutaassat atorfinitssinneqarsiillugit suliassaminnik ingerlatsiinnarallassapput. Ministeriuinnarallartut atorfimminttu suliassanik pinngitsoornani ingerlassassaasuinarnik suliaqartussaassapput.

§ 16. Ministerit atorfimminttu suliatiq pillugit kunngimit inatsisartunilluunniit unnerluutigineqarsinnaapput. Naalagaaffiup eqqartuussisuisa (rigsretten) ministerinut atorfimminttu suliassaminnik ingerlatsineranik pisuutitsissutit eqqartuussissutigisassaraat.

§ 17. Ministerit tamarmik statsrådimut ilaasortaasussaapput, kunngissarlu inersimasutut piginnaatitaalermerminnit ilaasartussaavoq. § 8-mi oqaatigineqartutut pisoqartinnagu § 9-milu aalajangigaq naapertorlugu inatsisink pilersitsisartunit statsrådi naalakkersuinermi qullersaasussatut piginnaaneqartitaasimatinngagu kunngi siulittaasuussaaq.

Stk. 2. Inatsisit suusulluunniit naalakkersuisullu aalajangersarniagaat pingarnerusut tamarmik statsrådimi oqaloqatigiissutigineqartussaapput.

§ 18. Kunngi statsrådimi ataatsimeeqataassalluni akornuteqarsimaguni sulissutigisassaaq ministerinut siunnersuisoqatigiinnut (ministerråd) ataatsimiissutigeqqusinnaavaa. Taakkununnga ministerit tamarmik ilaasussaapput statsministeri siulittaasoralugu. Ministerit tamarmik isummatik nalunaarlugit allattaavissuarnut allatsissavaat amerlanerusullu isumaat naapertorlugu aalajangiineqassalluni. Allattaavissuit oqaloqatigiissutit allassimaffii ministerinit najuuttunit tamanit atsiorneqarsimasut statsministerip kunngimut saqqummiussassarai, kunngillu aalajangigassaraa ministerrådip siunnersuutai akueriinnarumanerini imaluunniit sulissutigisaq statsrådimi imminut saqqummiuteqqussanerini.

§ 19. Inuiannut allanut atassuteqartutigut kunngi naalagaaffimmi pisussaatitaasutut sulissutiginnittussaavoq. Inatsisartulli akuersiseqqaartariaqtassavai naalagaaffiup annerulernissaanut minnerulernissaanulluunniit atasunik sulissutigisaqassaguni, akuersissuteqassaguniluunniit naammassinissaannut inatsisartut suleqataaffigisassarisaannik, allamilluunniimmik annertuumik pingaaruteqartumik akuersissuteqassaguni. Aammattaaq inatsisartut akuersinerisigut inuiannut allanut isumaqatigiissutaasut inatsisartut akuerseqqaartinnagit kunngip atortussaajunnaarsissinnaanngilai.

Stk. 2. Naalagaaffiup danskilluunniit sakkutuuisa saassunneqarneranni illersorniarneq pinngikkaanni kunngip inatsisartut akuersisimatinnagit sorsunnermut atortussiat naalagaaffimmut sumulluunniit atorsinnaanngilai. Aalajangersagaq tamanna naapertorlugu kunngi sulissutigisaqarsimassagaluarpat tamanna inatsisartunut erniinnaq oqaaseqarfigitinneqassaaq. Inatsisartut katersuussimanngippata piaarnerpaamik ataatsimiigiaqquneqassapput.

Stk. 3. Inatsisartut ilaminnik qinigaqassapput naalakkersuinermi nunanut allanut atassuteqartutigut siunnersuisuussusanik (et udenrigspolitisk nævn) naalakkersuisullu taakku siunnersoqatigisassavaat naalakkersuinermi nunanut allanut atassuteqartunik annertuunik aalajangerniagassaqleraangat. Udenrigspolitisk nævnimut malittarisassat erseqqinnerusut inatsisitigut aalajangersarneqartussaassapput.

§ 20. Inatsisit tunngaviusut makku naapertorlugit naalagaaffiup naalakkersuisuisa aalajangiisussaaffigisaat naalagaaffit assigiinngitsut pisortaatitaannut inuaat assigiinngitsut eqqortussamik saliutitsiumallutik suleqatigiillutillu angusaqarnerujartornissaat pilersinniarlugu nunat allat isumaqatigiissuteqarfigalugit atulersitaasunut inatsisitigut erseqqinnerusumik nalunaajarlugit taakkununnga aalajangigassatut oqaassisqaarfingisassanngortinneqarsinnaapput.

Stk. 2. Taama inatsisisstatut siunnersuut akuersissutigineqassappat inatsisartunut ilaasut arfinilinngorlugit aggularlugit aggornerisa tallimaasa akuersinissaat pisariaqarpoq. Taama amerlanerutigisut akuersinngippata inatsisilialli allat akuerinissaani akuersisut amerlassusissaat anguneqarsimagaluarluni, naalakkersuisullu siunnersuut tunuartikkumanngippassuk, siunnersuut inatsisartussananik taasisinnaasunut akueriumaneraat akueriumannginneaalluunniit taasisitsissutigineqassaaq innuttaasut taasisinnaanissaanni § 42-mi najoqutassat aalajangigaasut naapertorlugit.

§ 21. Inatsisisanut siunnersuutit aalajangigassallu allat kunngip inatsisartunut saqqummiutitissinnaavai.

§ 22. Inatsisisstatut siunnersuut inatsisartunit akuerineqartoq inatsisinngussaaq akuersissutigineqarneranit kingusinnerpaamik ullut 30-it qaangiutsinnagit kunngimit aalajangersarneqarpat. Inatsisip tamanut ilisimatinneqarnissaa kunngip peqqussutigissavaa atortuutinnejarnissaalu isumagisassarissallugu.

§ 23. Pisariaqarluinnartillugu inatsisartut katersuussimanninneranni kunngi utaqqiisaagallartumik inatsisiliorsinnaavoq inatsisinulli tunngaviusunut akerliussuteqanngitsunik, tamatigulli inatsisartut katersuunniariarpata erniinnaq inatsisartunit akuerineqartussatut atortussaatitaanngitsussatulluunniit oqaaseqarfingeqartartuusartussanik.

§ 24. Kunngi pillakkamik saammaassisinnaallunilu pillakkanik arlalinnik ataatsikkut pillagassaajunnaartitsisinnaavoq. Ministerit rigsretimit pillagassanngortitaasut inatsisartut akuersippata aatsaat pillagassaajunnaarsissinnaavai.

§ 25. Kunngi nammineerluni naalakersuisunilluunniit pisortaatitaasutigut akuersissuteqarsinnaavoq, inatsisilluunniit malillugit pisussatitaanermiit tunuartitsisinnaalluni, malittarisassanit juunip 5-at 1849 sioqqullugu atulersunit sulilu maanna atortuuusunit tamatuma kingornagut iantsisinngorsimasut pisussaatitsinerannit.

§ 26. Kunngi inatsisit naapertorlugit aningaasalioqqusisinnaatitaavoq.

§ 27. Naalagaaffimmi atorfinititsinissami najoqqutassat inatsisitigut aalajangersarneqassapput. Innuttaanngitsoq naalagaaffimmi atorfinitinsineqarsinnaanngilaq. Atorfillit kunngimit atorfinititsitaasut uppernarsaallutik neriorsuisussaapput inatsisit tunngaviusut maleqqissaarniarumallugit.

Stk. 2. atorfillit soraarsinneqarsinnaanerat nuutinneqarsinnaanerat pensionertinneqarsinnaanerallu inatsisitigut najoqqutassiorneqassaaq, tamatumunngali atatillugu takuu § 64.

Stk. 3. Kunngimit atorfinititsitaasut akuersiseqqaarnagit nuutinneqarsinnaapput aatsaat atorfimminni aningaasarsiarisaat minnerulissanngippata, namminerlu aalajangiisinnaatitaassapput nuutitaanissartik akuerumaneraat najoqqutaasulluunniit naapertorlugit pensioniinnarumanersut.

Kapitali 4.

§ 28. Inatsisartut ataasiullutik ataatsimiittartussaapput amerlanerpajussagunik 179-inik ilaasortaqassallutik, taakkunanngalu ilaasortat marluk Savalimmuni marlulu Kalaallit Nunaanni qinigaasussapput.

§ 29. Inatsisartunut qinerseqataasinnaasut tassaapput kikkulluunniit danskiusutut innuttaasut, naalagaaffimmi najugaqvissut, Stk. 2-mi eqqartorneqartunik qinerseqataanissami ukiussanik angusaqarsimasut, namminersorsinnaanermik arsaarneqarsimannngikkunik. Inatsisitigut aalajangerneqassaaq qanoq annertutigisumik pllarneqarneq ikuutisinerlu, inatsisit naapertorlugit perlernaveeqqutisinertut isumaqartinneqartoq, qinersisinnaanermik annaasaqataassanersut.

Stk. 2. Ukiut qinerseqataasinnaanngorfiusut tassaapput inatsit martsip 25-an 1953-imi atulersoq naapertorlugu innuttaasut taasisinneqarnerisigut amerlanerusunit piumasarineqarsimasoq. Qinerseqataanissami qassnik ukioqarnissaq sukkulluunniit inatsisitigut allanngortinneqarsinnaavoq. Taama inatsisissamut siunnersuut inatsisartunit akuersissutigineqarsimasoq aatsaat kunngimit atortussangortinneqarsinnaavoq qinerseqataasinnaanermut ukiussarititanut allanguuteqarnissamut aalajangersarniagaq § 42, Stk. 5 naapertorlugu innuttaasunut taassisutigineqareersimalluni akerliuffigineqartutut tunuartiinnartariaqarsimannngippat.

§ 30. Kinaluunniit inatsisartunut qinerseqataasinnaasoq qinerneqarsinnaavortaaq pillarneqaatigisaminik suliaqarsimannngikkuni inatsiartunut ilaasortaanissaminut inuit isiginninneranni nikanarsaataasumik.

Stk. 2. Atorfilik inatsisartunut ilaasortassatut qinerneqartoq ilaasortanngornissaminut naalakersuisunut akuereqqaqqusariaqanngilaq.

§ 31. Qinersisussat nammineerlutik isertortumillu taasinerisigut inatsisartunut ilaasortassat qinerneqartassapput.

Stk. 2. Qinerseqataanissami malittarisassat inatsisini qinersinermi najoqquṭassani erseqqinnerusumik nalunaarsorneqassapput, taakkunani lu aalajangerneqassaq qinersineq qanoq ingerlanneqassasoq qinersisut assigiinngitsunik siunertaqtut amerlassutsiminnut naleqquttunik taasaqarsinnaatinniarlugit, tamatumunngalu ilanngullugu aalajangerneqassaaq pisariaqassanersoq isumaqatigisat amerlassusiat najoqquṭalaralugu kinersisarneq ilaasortassanik ataasiakkaanik qinersinermi atortinneqassanersoq atortinneqassannginnersorluunniit.

Stk. 3. Inatsisartunut ilaasortassarsiorfissat aalajangerniarneranni qinersivissat inuisa amerlassusiat, qinersisussat amerlassusiat aammalu inuttussuseq inukissuserluunniit naatsorsuutigineqartariaqarput.

Stk. 4. Qinersinissamut inatsisini sinniisussat qinerneqarnissaannik inatsisartunullu ilaasortanngornissaannik najoqquṭassiaqassavortaaq, kiisalu qinerseqqinnejartariaqassappat qanoq iliortariaqassasoq.

Stk. 5. Kalaallit Nunaannit inatsisartunut ilaasortassat pillugit immikkut najoqquṭassat inatsisitigut aalajangersarneqarsinnaapput.

§ 32. Inatsisartunut ilaasortassat ukiunut sisamanut qinerneqartassapput.

Stk. 2. Kunngi sukkulluunniit nutaanik qinersineqartitsisinnaavoq, nutaanillu qinersineqareerpat ilaasortaasimagaluarneq atorunnaassaaq. Kisiannili ministerertaat atulersinneqareersimappata statsministerilu inatsisartunut siunertarisani nalunaarutigalugit sassareersimatinnagu qinersisitsiniarneqarsinnaanngilaq.

Stk. 3. Statsministerip sulissutigisassaraa qinersivissaq qaangiutsinnagu nutaanik qinersineqartitsissalluni.

Stk. 4. Nutaanik qinersineqareersinnagu inatsisartunut ilaasuuneq atajuartussaavoq.

Stk. 5. Savalimmunit Kalaallillu Nunaannit inatsisartunut ilaasortaanerup atortuulernissaa atortujuunnaarnissaalu inatsisitigut immikkut najoqquṭassiorneqarsinnaavoq.

Stk. 6. Inatsisartunut ilaasortap qinigaasinnaassutsi annaaguniuk ilaasortaajunnaassaaq.

Stk. 7. Kinaluunniit ilaasortanngorlaaq qinigaanini eqqortuunersoq misilinneqareerpat ilumoortumik neriorsuissaaq inatsisit tunngaviusut maleqqissaarniarumagini.

§ 33. Inatsisartunut ilaasortamik qinigaasimanerat eqqortuunersoq nammineq aalajangigassaraat aammalu ilaasortaq qinigassaajunnaarsimanersoq aalajangigassaraluguttaaq.

§ 34. Inatsisartut innimiginarluinnartuussapput. Kinaluunniit inatsisartunik ajortumeeriniartoq qunutitsiniartorluunniit, kinaluunniit inatsisartut ajortumeerniarnissaannik siunertaqluni peqqusisimasoq peqqusissutaasumilluunniit malinnittoq nunaminik ajunaartitsiniartutut pisuutitassaavoq.

Kapitali 5.

§ 35. Inatsisartut nutaamik qinigaasut qinersiviup kingornagut ullut ulluinnaasut aqqaneq-aappaani nal. 12 katersuuttussaapput tamanna sioqqullugu kunngip ataatsimiikkiaqqoreersimanngippatik.

Stk. 2. Qinigaaneq misissorneqareerniariarpat inatsisartut katersuutissapput siulittaasussamik sinniisussanillu qinersissallutik.

§ 36. Inatsisartut ataatsimiittarnerat oktoberimi marlunngornermi siullermi aallarnissaaq ukiumi tullermi marlunngornermut tassunga atassalluni.

Stk. 2. Inatsisartut ataatsimiittalerfiata ulluani siullermi nal. 12 ilaasortat ataatsimiiliissapput, taamalu inatsisartut katersuuteqqillutik.

§ 37. Naalakkersuisut najugarisaat inatsisartut ataatsimiiffisassavaat. Pingaartumilli pissutissaqaqtillugu inatsisartut naalagaaffiup ilaani allami katersuussinnaapput.

§ 38. Inatsisartut ukiumut ataatsimeeqqaarneranni statsministerip naalagaaffimmut tunngasuni taasariaqartut naalakkersuisullu sulissutigissamaagaat nalunaarutigissavai.

Stk. 2. Nalunaarutaasut ataatsimiinnermi oqaloqatigiissutigineqassapput.

§ 39. Inatsisartut siulittaasuata inatsisartut ataatsimiikkiaqqusassavai oqaluuserisassat nalunaarutigalugit. Taamattaaq siulittasoq ataatsimiikkiaqqusissusaavoq inatsisartunut ilaasut tallimanngorlutik aggorlutik aggornerisa marluk inornagit imaluunniit statsministeri allakkatigut nalunaarlutik ataatsimiinnissaq kissaatigisimappassuk suullu oqaluuserisassaasut nalunaarlugit.

§ 40. Ministerit atorfitsik naapertorlugu inatsisartut ataatsimiinnerini ilaasinnaapput oqaloqatigiinnernilu oqaassisqaqumasaraangamik piumallerlutillo oqalunnissartik piumasarsinnaallugu, ataatsimiinnerulli ingerlanerani ileqqussat najoqqutarisassaralugit. Ministeriuutigalutik inatsisartunut ilaasortaasimagunik aatsaat aalajangiiniarnerni taaseqataasarsinnaassapput.

§ 41. Inatsisartunut ilaasoq kinaluunniit inatsisissanut aalajangersagassanullu allanut siunnersuuteqarsinnaatitaavoq.

Stk. 2. Inatsisissatut siunnersuut inatsisartuni pingasoriarluni oqaluuserineqareersinnani naammassineqartutut isumaqatigiissutigineqarsinnaanngilaq.

Stk. 3. Inatsisartunut ilaasut tallimanngorlutik aggornerisa marluk siulittaasoq piumasaqarfigisinnaavaat pingajussaanik oqaluuserinninnissaq kinguarteqqullugu siunnersuutip aappassaanik oqaloqatigiissutigineqarluni isumaqatigiissutigineqarsimancerata kingornagut ulluinnaat aqqaneq-marluk qaangiunnissaannut. Taama kissaatigisaq allaganngorlugu tunniunneqassaaq ilaasortanit kinguartitsiniartunit atsiugaalluni. Kinguartinniarneqarsinnaanngitsulli makkupput; naalagaaffiup aningaasai pillugit inatsisissatut siunnersuutit, aningaasat atortitassat tapiuserneqarnissaanut inatsisissat, akuersissutaagallartunut inatsisissat, naalagaaffiup taarsigassarsinissaani inatsisissat, innuttaasonngortinnejnarnermi inatsit, pinngitsaaliilluni arsaarinissani inatsisissat, nioqqutinut akileraarusiassat pillugit inatsisissat kiisalu pisariaqarluinnalersoortutut inatsisinngortinniakkat inatsisissap siunertarisaa pillugu kinguarsarneqartussaanngitsut.

Stk. 4. Inatsisartunut nutaanik qinersineqarnerani ukiullu inatsisartut ataatsimiittalerfiata qaangiunnerani inatsisissanut allanullu aalajangersagassanut siunnersuutit naammassillutik isumaqatigiissutigineqareersimannngitsut tamarmik tunuartinneqartussaapput.

§ 42. Inatsisissatut siunnersuut inatsisartunit akuersissutigineqarsimappat inatsisartunut ilaasortat aggornerisa pingajuisa siunnersuutip naammassilluni akuersissutigineqarneranit ulluinnaat pingasut qaangiutsinnagit

siulittaasoq piumaffigisinnaavaat inatsisisstatut siunnersuut innuttaasunut taasissutigiteqqullugu. Taama qinnutigisaq allaganngorlugu tunniunneqassaaq ilaasortanillu kinguartitsiniartunit atsiugaalluni.

Stk. 2. Inatsisisstatut siunnersuut innuttaasunit taasissutigineqarsinnaasoq, tak. imm 6 taamaallaat Stk. 7-imi eqqartorneqartutut pissutissaqarpat kunngimit aalajangersarneqassaaq Stk. 1-imi piffissaatitaasoq qaangiutsinnagu imaluunniit innuttaasut taasisinneqarnissaat piumasarineqartinnagu.

Stk. 3. Inatsisisstatut siunnersuut innuttaasunut taasissutigitinniarneqaraangat inatsisartut siunnersuutip naammassilluni akuersissutigineqarneranit ulluinnaat tallimat qaangiutsinnagit aalajangersinnaavaat siunnersuut tunuartinneqassanersoq.

Stk. 4. Stk. 3 naapertorlugu inatsisartut aalajangiinngippata inatsisisstatut siunnersuutip innutaasut taasisinneqarnerisigut misilinneqarnissaanik nalunaarut piaarnerpaamik statsministerimut nassiunneqassaaq, taassumalu inatsisisstatut siunnersuut tamanut tusagassiaritissavaa nalunaarutigalugulu innutaasut taasisinneqassasut. Statsminsterip aalajangiinera naapertorlugu innutaasut taasisinneqassapput taassisutissap tusagassiarineraniit piaarnerpaamik ulluinnaat aqqaneq-marluk qaangiussimappata kingusinnerpaamillu ulluinnaat 18-it qaangiutsinnagit.

Stk. 5. Innutaasut taasisinneqarnerani inatsisisstatut siunnersuut akuerumanerlugu akuerumannginnerluguluunniit taasisitsissutigineqassaaq. Inatsisisstatut siunnersuut tunuartinneqassappat inatsisartussanik qinersisinaasut taaseqataasut amerlanersaasa, qinersisinaasulli tamakkerlutik 30 pct.-ii inornagit, inatsisisstatut siunnersuummut naaggaarsimanissaat piumasarineqarpoq.

Stk. 6. Inatsisisstatut siunnersuutit naalagaaffiup aningaasai pillugit, aningaasat atortitassat tapiuserneqarnissaannik, akuersissutaagallartunut, naalagaaffiup taarsigassarsinissaanut, atorfigisassat aalajangererannut, akissaatinut pensioninullu, innutaasunngortinnejarnernut, pinngitsaaliilluni arsaarinissaanut, alileraarutit akissarsianit nioqqutinillu pisassat pillugit inatsisillu isumaqatigiissutigisat eqqortinniarnissaannut atassuteqartut innutaasunut taasissutigitinneqarsinnaanngillat. Taassisutigineqartussaanngillattaaq siunnersuutit §§ 8-mi, 9-mi, 10-mi aammalu 11-mi eqqartorneqartunut inatsisinut atasut aammalu aalajangersagassat § 19-imi eqqartorneqartut inatsisitut pissuseqartittariaqartut, kingulliilli taakku aatsaat taasissutigitinneqarsinnaapput immikkut inatsisiliaasukkut aalajangerneqarpat taassisutigineqassasut. Inatsisit tunngaviusut allannguiteqartinneqarnissaani § 88-imi najoqqutassiat atortussaapput.

Stk. 7. Pisariaqarluinnartillugu inatsisisstatut siunnersuut innutaasunut taasissutigineqarsinnaasoq isumaqatigiissutigineqarniariarpat erniinnaq kunngimit aalajangersarneqarsinnaavoq taamaaliornissamut aalajangersagaasumik siunnersuut ilaqarpat. Inatsisartunut ilaasut aggorerisa pingajuisa Stk. 1-imi najoqqutassaitat naapertorlugit piumasarippassuk inatsisisstatut siunnersuut inatsilluunniit atortussanngortitaareersimasoq innutaasunut taasissutigitinneqassasut najoqqutassat siuliini eqqartorneqartut atorlugit taasisitsineqassaaq. Taasisitsinikkut inatsit atortussaatinneqanngippat tamanna statsminsterip utaqqisiinnarnagu kingusinnerpaamillu innutaasut taasisinneqarnerannit ullut 14-it qaangiutsinnagit tamanut nalunaarutigissavaa. Ullormit nalunaarutigineqarfianit inatsit atortujuunnaassaaq.

Stk. 8. Innutaasut taasisinneqartarnissaani najoqqutassat erseqqinnerusut inatsisitigut aalajangersarneqartussaassapput, tamatumunngalu atatillugu aalajangerneqassalluni qanoq annertutigisumik Savalimmiuni Kalaallillu Nunaanni taasisitsineqassanersoq.

§ 43. Akileraarsiineqarsinnaanngilaq akileraarutillu allanngortinneqarsinnaanatik soraarsinnejarsinnaanatillu tamanna inatsisiliutigineqarsimanngippat; sakkutunngortsiniarnejarsinnaanngilartaaq naalagaaffilluunniit taarsigassarsisinniarnejarsinnaanani inatsisit naapertornagit.

§ 44. Takornartaq innuttaasunngortinneqarsinnaanngilaq inatsisiliutigineqarsimanngippat.

Stk. 2. Takornartat nunamik pigisaqarsinnaatitaanissaat inatsisitigut aalajangikkanik najoqqutassiaqassaaq.

§ 45. Naalagaaffiup aningaasaanut inatsisissatut siunnersuutit ukiumut tullissamut atortussat inatsisartunut saqqummiunneqassapput kingusinnerpaamik ukiup naatsorsuiffiup aallarnernissaa qaammatinik sisamanik sioqqullugu.

Stk. 2. Naalagaaffiup aningaasaanut ukiumut tullissamut inatsisissatut siunnersuutit oqaluuserinerat ukiup naatsorsuiffiup aallartinnissaanut inissangatinnangippat akersissutaagallartussanut inatsisissat inatsisartunut siunnersuutaallutik saqqummiunneqassapput.

§ 46. Naalagaaffiup aningaasaanut inatsisissat akuersissutaagallartutulluunniit inatsisissat inatsisartunit akuerineqartinnagit akileraarutit akileqquneqassanngillat.

Stk. 2. Aningaasanik atortitaqassanngilaq naalagaaffiup aningaasaanut inatsisini inatsisartuni akuerineqartuni tapiusutulluunniit akuersissutinut inatsisini akuersissutaagallartutulluunniit inatsisini akuersissutigineqarsimannngitsunik.

§ 47. Naalagaaffiup aningaasaasa naatsorsuutaat ukiup naatsorsuiffiup naanerata kingornagut qaammatit arfinillit qaangiutsinnagit inatsisartunut saqqummiunneqassapput.

Stk. 2. Naatsorsuutinik misissuisussat arlallit inatsisartunit qinerneqartassapput. Taakkua naalagaaffiup ukiumut naatsorsuutai misissortassavaat nakkutigeqqissaarlugulu naalagaaffiup aningaasarsiaasa tamarmik allassimanissaat aningaasanillu atugaqarsimannnginnissaa naalagaaffiup aningaasai allatulluunniit akuersissutit pillugit inatsisini akuersissutigineqarsimannngitsunik. Paasissutissat pisariaqartut nalunaarsorlugillu allakkat tamaasa takujumasinnaavaat. Naatsorsuutinik misissuisut qassiussusissaat suliassarisaallu inatsisitigut erseqqinnerusunik najoqqutassiorneqarlutik aalajangerneqartussaapput.

Stk. 3. Naalagaaffiup naatsorsuutai naatsorsuutinik misissuisut tikkuarniagaanik allagartalerneqarlutik inatsisartunut aalajangigassatut saqqummiunneqartussaapput.

§ 48. Inatsisartut ataatsimiittarnermik ingerlasarnissaat namminneq aalajangigassaraat tassanilu erseqqinnerusumik aalajangersagaqarlutik sulissutigisassat qanoq ingerlanneqartarnissaanik akornuteqatsaaluiuinissamillu.

§ 49. Inatsisartut ataatsimiinneri kikkunnilluunniit tusarnaerneqarsinnaapput. Taamaattorli siulittaasup ilaasortalluunniit ilaasa ataatsimiittarnerit ingerlanneqarnissaani malittarisassat naapertorlugit amerlassuseqartut ministerilluunniit ilaata piumasinnaavaat ilaasortaanngitsut tamarmik ataatsimiiffik qimassagaat, taavalu oqaloqatigiissutigeqqarnagu aalajangerneqassaaq sulissutigisassaq tusarnaarteqarluni tusarnaarteqaraniluunniit oqaluuserineqassanersoq.

§ 50. Ilaasortat affaat sinnerlugit najuuppata aalajanginiarnermilu peqataallutik aatsaat inatsisartut aalajangersaasinnaapput.

§ 51. Sulissutigisassat tamanut pingaaruteqartut paasiniartissallugit inatsisartut ilaasortamik ilaat immikkut ataatsimiittartussanngortissinnaavaat (kommissionit). Kommissionit pisinnaatitaapput paasiumasatik allaganngorlugit oqaasiinnanngorlugilluunniit inuinnaasunit naalakkersuisulluunniit pisortaataanit nalunaarutigeqqusinnallugit.

§ 52. Kommissioninut sulissutiginnitsitaanulluunniit allanut ilaasortassanik inatsisartut qinersineranni inatsiartuni assigiingitsunik isumallit ilaasortaasa amerlassusiat najoqqutaralugu qinersineqassaaq.

§ 53. Inatsisartunut ilaasortaasoq kinaluunniit inatsisartunit akuerineqarluni inuiaqatigiissutsimut atassuteqartumik sumilluunniit oqaluuserisassanngortitsisinnaavoq tamakkulu pillugit paassisutissaasunik ministerit oqaaseqaqqusinnaallugit.

§ 54. Kissaatiginnissutit inatsisartunut ilaasortat ilaanit taamaallaat inatsisartunut saqqummiunneqarsinnaapput.

§ 55. Inatsisitigut aalajangerneqassaaq inatsisartut inuk ataaseq marlulluunniit inatsisartunut ilaasortaanngitsut qinissagaat naalagaaffiup innuttaasunut sakkutooqarnermullu tunngasunik sulissutiginnitsitaasa suliaanik nakkutiginnittussat.

§ 56. Inatsisartunut ilaasortat namminneq ajunnginnerusorisartik naapertuinnarlugu sulisussaapput qinersisiminnillu qanoq ilioqquneqarnertik naapertorlugu sulisussaanatik.

§ 57. Inatsisartunut ilaasortaq kinaluunniit inatsisartut akuersiseqqaartinnagit eqqartuunniarneqarsinnaanngilaq parnaarussaasinnaananiluunniit, aatsaalli peqquserluttuliortillugu qaninngarneqarsimaguni taama pineqarsinnaavoq. Ilaasortaq kinaluunniit inatsisartuni oqaaserisimasani pillugit inatsisartut akuerseqqaarsimatinnagit inatsisartunit qimagusimanermini pisuutinniarneqarsinnaanngilaq.

§ 58. Inatsisartunut ilaasortat akissarsiaqassapput angissusissaa qinersineq pillugu inatsisini aalajangerneqartartussanik.

Kapitali 6.

§ 59. Rigsretimi eqqartuussisuussapput naalagaaffiup eqqartuussiviani ullermi eqqartuussisutut sivisunerusumik atorfqarsimasut 15-it angullugit amerlassuseqarsinnaasut, amerlaqataallu inatsisartunit qinerneqassallutik inatsisartuni isumaqtigii amerlassusiat najoqqutaralugu qinigaasut ukiuni arfinilinni atassallutik. Qinigaasut tamarmik ataatsimik arlalinnilluunniit qinigaasumittaaq kingoraartissaqaqtinneqassapput. Inatsisartunut ilaasortat rigsretimut qinerneqarsinnaanngillat ilaasutullu suleqataasussaanatik, sulissutigisat arlaanni eqqartuussivimmi ullermi eqqartuussisuuusut ilaat eqqartuussiniarnermi suleqataasinnaanatillu eqqartusseqataasinnaassanngikkaluarpata pisinnaanngitsut amerlaqataat rigsretimut ilaassallutik inatsisartunit qinigaasut kingulliit tunuassapput.

Stk. 2. Rigsretimut ilaasut ilaminnik siulittaasussarsiortussaapput.

Stk. 3. Eqqartuussissutissaq rigsretimut suliassiissutigineqarsimappat suliassaq naammassitinnagu inatsisartut qinigarisaat eqqartuussisunut ilaaginnassapput qinigaaffimmik sivisussusissaa akimussagaluarunkuluunniit.

Stk. 4. Rigsretimi najoqqutassat erseqqinnerusumik inatsisitigut aalajangersagassaassapput.

§ 60. Kunngip inatsisartulluunniit ministerinut unnerluussissutigisaat rigsretip eqqartuussissutigisassarai.

Stk. 2. Kunngip inatsisartut akuersisillugit allattaaq pinerluttuliortutut naalagaaffimmuit ajortumeeringaarsinnaasutut isumaqartikkunigit rigsretimi eqqartuussassatut suliassatut suliassiissutigisinnaavai.

§ 61. Eqqartuussisinnaaneq inatsisit pisinnaatisinerinnaatigut piginnaatisissutaasinnaavoq. Immikkut eqqartuussisut eqqartuussinissamut piginnaatitaasut akuersissutigineqarsinnaanngillat.

§ 62. Eqqartuussineq naalakkersuinermik ingerlatsinermit tamatigut avissaarsimatinneqassaaq. Tamatumani najoqutassat inatsisitigut aalajangersarneqassapput.

§ 63. Naalakkersuisunit piginnaatitaanerup akimorneqannginnissaanut atassuteqartut suusulluunniit eqqartuussisunit eqqartuussissutigineqarsinnaapput. Taamaakkaluqaq eqqartuussissutissamik taamaattumik sulissutiginnitsiniartup eqqartuussisunut suliassiinini piinnarlugu naalakkersuisunit pisortaatitaasut peqqussutigisaat naalanngitsoorsinnaanngikkallassavaa.

Stk. 2. Naalakkersuisunit piginnaatitaanerup killissaanut atassuteqartut eqqartuussissutiginissaat pisortaatitaasut eqqartuussiviisa ilaanut arlalinnulluunniit inatsisitigut suliassiissutigineqarsinnaapput, taakkuali aalajangiinerat naalagaaffiup eqqartuussisuinut qullersaasunut misileqquneqarsinnaavoq. Tamatumani malittarisassat erseqqinnerusut inatsisitigut aalajangersarneqartussaassapput.

§ 64. Eqqartuussisut sulinermanni inatsisit kisiisa najoqutarisassaraat. Eqqartuussaanngikkunik soraarsinneqarsinnaanngillat namminnerlu kissaatigingippassuk nuutsinneqarsinnaanatik, eqqartuussisoqarfilli allatut aaqqissuussaanerini aatsaat nuutsitaasinnaallutik. Eqqartuussisorli 65-inik ukioqalersimasoq soraarsinneqarsinnaavoq, akissaatinili pigiinnassavai utoqqalilluni soraarsitaasariaqalerfissaraluamini ukiussani angutserlugit.

§ 65. Eqqartuussineq sapinngisamik annertunerpaamillu tamanut ammasumik oqalullunilu paasiniaanerutillugu ingerlanneqartassaaq.

Stk. 2. Pillaaniarluni eqqartuussineqartillugu eqqartuussisussatut ilinniarsimanngitsut eqqartusseqataasassapput. Inatsisitigut aalajangersarneqassaaq suliassat suut qanorlu iliortutik suleqataaffigisassagaat, ilanngullugulu aalajangerneqassalluni sulissutigisassat suut eqqartuussisuunatik eqqartusseqataasartut (nævningit) suleqataaffigisassagaat.

Kapitali 7.

§ 66. Ilagiit naalagaaffimmit tapersorsorneqartut qanoq naalakkersuisutigut ingerlanneqarnissaat inatsisitigut aaqqissuunneqassaaq.

§ 67. Innuttaasut akornusersorneqaratik ilagiittut peqatigiissitersinnaapput pingartitsinertik najoqutaralugu guutisioqatigiinniarlutik, kisiannili assuarnaatsumik inuunermut eqqissismallunilu inooqatigiinnissamut akerliusumik ajoqersuisoqaranilu iliortoqassanngilaq.

§ 68. Kinaluunniit peqquneqarsinnaanngilaq guutisioqatigiinnut nammineq ilaaffiginngisaminut akiliuteqartassasoq.

§ 69. Ilagiit naalagaaffimmit tapersersugaasut upperisanit allaasunik upperisarsioqatigiit pisariaqartui inatsisitigut erseqqinnerusumik aaqqissuunneqassapput.

§ 70. Kinaluunniit upperisani naggiugisaniluunniit pillugit innuttaasutut naalakkersuinermilu pisassarititaasut pisinnaanissaannik minnerusukkulluunniit arsaarneqarsinnaanngilaq aammalumi innuttaasut kikkuusulluunniit pisussaatiaffigisaat naammassisallugit pingitsoorniarsinnaanani.

Kapitali 8.

§ 71. Inuup kiffaanngissusia ajortumiitsaaliugassaalluinnassaaq. Danmarkimut innuttaasoq kinaluunniit naalakkersuineq upperisarsiornerluunniit pillugit isumani, naggiugisanilluunniit pissutigalugit, sukkulluunniit namminersorsinnaanerminik arsaarneqarsinnaanngilaq.

Stk. 2. Namminersorsinnaanermik (kiffaanngissusermik) arsaarneqarneq taamaallaat inatsisit najoqqutaralugit pisinnaavoq.

Stk. 3. Kinaluunniit parnaarussassatut tigusarineqartoq nal. ak. 24-t qaangiutsinnagit eqqartuussisumut sassartinneqassaaq. Tigusarineqartoq erniinnaq iperarneqarsinnaassanngippat eqqartuussisup pissuteqartumik pisuutitsisummik nalunaaruteqarnermigut sapinngisamik piaartumik, kingusinnerpaamillu ullut pingasut qaangiutsinnagit nalunaarutigineqassasumik, aalajangissavaa parnaarunneqassanersoq, qimaanissaalu pitsaaliorlugu uppernarsaateqartumik iperarneqarallassappat aalajangerlugu qularnaallisaataasut suussanersut qanorlu annertutigissanersut. Aalajangersagaq tamanna Kalaallit Nunaanni atornissaani inatsisitigut allannguiteqartinneqarsinnaavoq allannguiteqarnissaq Kalaallit Nunaanni pissutsit naapertorlugit pisariaqarsorineqarpat.

Stk. 4. Eqqartuussisup eqqartuussissutigisaa eqqartuussamit eqqartuussisunut qullernut erniinnaq immikkut suliassiissutigineqarsinnaavoq.

Stk. 5. Kinaluunniit parnaarunneqarsinnaanngilaq innarluttuliorneq akiliisitsinerinnarmik pillaammilluunniit annertunnginnerusumik pillaateqartussaannaq pissutigalugu.

Stk. 6. Pillaaniarluni eqqartuussineq atorneqartinnagu namminersorsinnaanermik arsaarineq eqqartuussisunit aalajagigaanngitsoq takornartallu pillugit inatsisnik tunngaveqanngitsoq namminersorsinnaanermik arsaarneqartup taannaluunniit sinnerlugu saqqummiussisup sulissutiginiarpagu eqqortumik iliornerunersoq eqqartuussisunit allanilluunniit eqqartuussisinnaatitaasunit misilinnejaqqullugu saqqummiunneqassaaq. Tamatumani najoqqutassat erseqqinnerusut inatsisitigut aalajangersarneqassapput.

Stk. 7. Inuit Stk. 6-imi eqqartukkat sulissutiginissaat inatsisartut nakkutiginnittussanngorlugit qinigaanut isumagisassanngortinnejqassaaq, taamalu suliassanngortut taakku saaffigisinnaasassarissavaat.

§ 72. Inissaq ajortumiitsaaliugassaalluinnassaaq. Illumi nassaarniarluni misissueqqissaarneq, tigusaagallarneq aammalu allakkanik pappiaranillu allanik misissuineq, kiisalu peqquneqarani allagarsianik nalunaarasuaatsianillu ammaaneq telefonikkullu oqaluunnernik naalaarneq, taama pisinnaatitaanissaq inatsisitigut immikkut akuersissutigineqarsimannngippat, taamaallaat eqqartuussisut aalajangiineratigut pisinnaassaaq.

§ 73. Piginnittuussuseq ajortumiitsaaliugassaalluinnassaaq. Kinaluuniit pigisani tunniutissallugu pinngitsaolineqarsinnaanngilaq tamanut iluaqtissaasut pillugit allatut ajornarluiinnarsimannngippat, arsaarneqarneq inatsisit naapertorlugit taamaallaat pisinnaavoq arsaarinnissutillu naligisaa inornagu taartisissutigineqassalluni.

Stk. 2. Pigisanik pinngitsaaliillunni arsaarinissamut inatsisissanut siunnersuut isumaqatigiissutigineqarpat siunnersuutip naammassilluni isumaqatigiissutigineqarneranit ulluinnaat pingasut qaangiutsinnagit inatsisartunut ilaasortat aggornerisa pingajuisa kissaatigisinhaavaat inatsisartussanik nutaanik qinersineqareerpat siunnersuullu inatsisartortaanit akuersissutigineqaqqereerpat aatsaat kunngimut aalajangersagassanngortinneqaqqullugu.

Stk. 3. Pinngitsaaliilluni arsaarinermut taartisiassarititanullu atassuteqartut suusulluunniit eqqortumik iliornerunersut eqqartuussisunut misileqqullugit suliassiissutigeqquneqarsinnaapput. Taartisiassat angissusilerneqarnerisa misilinnejarnissaat inatsisitigut aalajangiinkut tamakkuninnga suliassaqassallutik eqqartuussisunngortitanut suliassiissutigineqarsinnaapput.

§ 74. Namminersorluni naligiisinneqarlunilu inuutissarsiutinik ingerlatsisinnaanermut killilersuutaasut tamarmik innuttaasut amerlanersaasa iluaqtissaannik pissuteqanngitsut inatsisitigut atortussajunnaarsinneqassapput.

§ 75. Innuttaasut tamarmik iluaqtissaat isumagalugu anguniartariaqarpoq kinaluunniit sulisinnaasoq suliffissaqartinniarneqassasoq imminut pissaqartinnissaminut pissasiorfigisinnaasassaanik.

Stk. 2. Kinaluunniit imminut ilaqtaminilluunniit pissarsiuussisinnaanngitsoq, allamillu pissarsiorneqanngitsoq, naalakkersuisunit ikiorneqartussaavoq taamali ikiorneqarnermi inatsisitigut pisussaatinneqarnermik peqqussutigineqartut maligassarisariaqassallugit.

§ 76. Meeqqat atualersussanngorlutik ukioqalersimasut tamarmik meeqqanut kikkunnuluunniit atuarfinni akeqanngitsumik atuartinneqarsinnaapput. Angajoqqaat angajoqqaalluunniit sinnerlugit meeqqanik nakkutiginnittut meeqqatik meeqqanut tamanut atuarfinni ilinniartitaanermit minnerunngitsumik atuartinneqartikkunikkik taava piumaffigineqarsinnaanngillat meeqqat taakku meeqqanut kikkunnuluunniit atuarfiusunut atuariartortissagaat.

§ 77. Kinaluunniit naqitikkatigut, allakkatigut oqalugiarnikkulluunniit isumaminik tamanut tusagassiisinjaavoq eqqartuussissutigulli pisuutinnejaaqatigisinnaasaminik. Saqqummiunniakkanik misissuilluni killiliisarneq allatullu kikkulluunniit isumaanik saqqummiussinaveersaartsinerit qaquguluunniit kingumut atulersinneqaqqittussaanngillat.

§ 78. Innuttaasut pisinnaatitaapput akuerineqaqqaarnatik inatsisinut akerliunngitsumik siunertaqarlutik peqatigiiliornissamut.

Stk. 2. Peqatigiit pinngitsaaliinikkut pinngitsaaliiniarnikkulluunniit siunertarisaminnik angusaqarniartut pillartariaqartulluunniit isumaqataanngitsunut sunniiniartut eqqartuussinikkut peqatigiigunnaarsitaassapput.

Stk. 3. Peqatigiit suusulluunniit naalakkersuisut aalajangiineratigut peqatigiigunnaarsinneqarsinnaanngillat. Peqatigiilli sulinerat unitsinneqarallarsinjaavoq, taamaassappalli soraarsinniarlugit eqqartuussisunut erniinnaq suliassiissutigineqassapput.

Stk. 4. Naalakkersuisatsimut atassuteqarlutik peqatigiit soraarsinniarnissaat immikkut akuersissutigineqanngikkalaq naalagaaffiup eqqartuussisuinut qullersaasunut suliassiissutigineqarsinnaavoq.

Stk. 5. Soraarsitsinerup qanoq kinguneqarsinnaanera inatsisitigut erseqqinnerusunik aalajangersaassutigineqassaaq.

§ 79. Innuttaasut akuerineqaqqaarsimannngikkaluarlutik sakkulersorsimannngikkunik akornuserneqaratik katersuussinnaapput. Ataatsmiinnerit kikkunnilluunniit ilaaffigineqarsinnaasut politit najuuffigisinnaasaraat. Silami ataatsimiinnerit inerteqqutigineqarsinnaapput eqqissiviilliorernik kinguneqarnissaat aarleqququtinarpas.

§ 80. Pikitsitsiniartutut ukeruunneqartillugu akornusiisussatut sakkulersorsimasut saassunneqalinngikkunik ukeruuttut kunngip inatsisillu aqqagut avissaatiteqqugaluarlugit naalanneqanngikkunik aatsaat sakkutik atorlugit avissaartitsinialersussaapput.

§ 81. Angut kinaluunniit sakkumik atuisinnaasoq pisussaavoq inatsisitigut aalajangikkat naapertorlugit nunavigisami illersornissaani nammimeerluni ikiuuttussaassalluni.

§ 82. Kommunit imminnut atasutigut namminersorlutik naalagaaffimmit nakkutigineqarlutik ingerlatsisinnaasuunissaat inatsisitigut aaqqissuunneqassaaq.

§ 83. Akimanernut, akimanertut taaguummut akimanerussutsimullu atatillugit inatsisitigut allanit pisassaqartitaanerusut suusorluunniit atortussaajunnaarsinneqarpoq.

§ 84. Nunaatit aningaasaatilluunniit matuma kingornagut imaalillugit kingornussarsiarineqarsinnaajunnaarput kingornussinerni malittarisassanit tamanut atortunit allaasunik najoqququtassaliorluni ilaqtariinnut taakkuusuinnarnut iluaqtissanngorlugit.

§ 85. Sakkutooqarnikkut illersuinissami pisortaasunut §§ 71-imi, 78-imi 79-imilu aalajangersagaasut taamaallaat atorneqarsinnaapput sakkutuunut inatsisaasuni najoqququtassiat killiliinerat najoqququtaralugu.

Kapitali 9.

§ 86. Kommunini ilagiinnilu pisortaasunut qinersisinjaanissami ukiorisassat tassaapput inatsisartunut ilaasortassanik qinersisinjaanissami ukiussarititaasutut aalajangigaasimasartussat. Savalimmuni Kalaallillu Nunaanni kommunini ilagiinnilu pisortaasunik qinersisinjaanissani qassnik ukioqarnissaq inatsisitigut inatsisilluunniit naapertorlugit aalajangerneqartassaaq.

§ 87. Islandimiut, Danmarkip Islandillu ataqtigiiissutut inatsisaasa il.il. atorunnaarsinneqarnerat naapertorlugu Danmarkimi innuttaasut pisassaqartitaanerattut pisassaqartinneqartut, inatsisini tunngaviusuni danskinut pisassaritaasut piginassavaat.

Kapitali 10.

§ 88. Inatsisit tunngaviusut allannguutissaannik siunnersuut inatsisartut akuerippassuk naalakkersuisullu akuersorlugu atortussanngortinniarpassuk taava inatsisartunut ilaasortartaassanik qinersisitsineqassaaq. Siunnersuut allannguuteqartinnagu inatsisartortaanit isumaqatigiissutigineqarpat naammassillugu isumaqatigiissutigineqarneranit ukiup qeqqa qaangiutsinnagu inatsisartunik qinersisussaasunut taassisutigitinnejassaaq akueriumaneraat akueriumanninneraalluunniit taasisillugit. Taama taasisitsinermi najoqququtassat erseqqinnerusut inatsisitigut aalajangersarneqassapput. Taaseqataasut amerlanersaat, qinersisinjaasullu tamakkerlutik 40 pct.-ii inornagit inatsisartut aalajangigaannut akuersisimappata kunngimillu atortussanngortinneqarsimappata tassaalissapput inatsisit tunngaviusut.

Kapitali 11.

§ 89. Inatsisit tunngaviusut taakku erniinnaq atortuulissapput. Danmarkilli naalagaaffiata inatsisai tunngaviusut juunip 5-ani 1915-imi atulersut septembarip 10-ani 1920-mi allannguuteqartut naapertorlugit inatsisartut kingusinnerpaamik qinigaasimasut ataannarallassapput kapitalimi 4-mi najoqqutassiaasut naapertorlugit nutaanik qinersineqarsiillugu. Nutaanik qinersineqarnissaata tungaanut Danmarkip naalagaaffiata inatsisaani tunngaviusuni juunip 5-iani 1915-imi atulersuni septembarip 10-ani 1920-mi allannguuteqartuni inatsisartut pillugit aalajangersagaasut atortuuinnarallassapput.

Maanna atortunngorput tamanit maleqqissaarneqartussanngorlutik.

Danmarkip naalagaaffiata inatsisai tunngaviusut

Peqqussutigineqartut illussaarsuarmi Christiansborgimi juunip 5-ani 1953-imi.

Kunngisut atsiorpavut naqitsiserlugillu.

Frederik R.

(L. S.)

Erik Eriksen. Ole Bjørn Kraft. Thorkild Kristensen. Harald Petersen.

Carl Hermansen. Jens Sønderup.

Aksel Møller. Flemming Hvidberg. Poul Sørensen.

Helga Pedersen. Knud Rée. Aage L. Rytter. Jørgen Jørgensen.